


मन्त्र



तयजू

(स्यागूगु)

नेपाल सम्बत १०६८

थँला

बालदिवस

संपादक

नारद बज्राचार्य

व्यवस्थापक

जि. बि. जोशि

कन्हैयाकुमार साय्मि

पिकाक

को को थ्वः

स्वापू-कालिमाति

५/६० ये

दुजः

रामशरण साय्मि

मंगल साय्मि

राजेन्द्रलाल महाजु

बुद्ध ज्यापु

देवः

मणीध्वज जोशि

थुगु ल्याख्य

बाखं

हितकरबीरसिंह कंसकार

मुकुन्द न्याछ्यो

मनदेवी ताम्राकार

कविता

धर्मकृष्ण साय्मि

रत्न के. स्थापित

नारद बज्राचार्य

चवखँ

रमेशकाजी स्थापित

जिमिगु खँ

को को थ्वः या ल्याः चाः

स्तम्भ

खनेमरु मरु तयजू / चुचिनाखँ

छज्वाः / सायरी / घिसिक्क धेँ

न्येपु बाखंमुनाः

आलमत - बाखं बिशेसांक

पीन्यापु कवितामुनाः

आलमत - कविता बिशेसांक

स्वयं हवःसंका दिमते ।

थःगुहे अलग्ग बिशेषता ज्वनाः

तिकभयाः

(निलापौ, रजिष्टर्ड)

पिडन ।

देश बिदेशया खवर

थःगुहे क्वथाय् च्वनाः स्वयादिसँ

नेपाल भाषा पत्रिका

(हलि पौ)

क
वि
ता

—धर्मकृष्ण सायमि

‘छकः पिज्वइ’

जिगु हे हि थौं छयालब्याल जूगुलिं
थःहे छकः मसंग वनी
थःहे मदय्व थव धरती जितः
छु याय्त धैथे मती वनी

तर ! तर !!

थव धरती जिगु जक मखु
थन नयगु जिगु जक मखु
म्यायगु जि थःहे जक मखु
मंका खः थव फुक्सिगु धैगु सिथा वैबलय्

थव ! थव !!

हिचिछ तक्क हिचःति हाय्का
प्वाःया सारंगि किया

देःया भयाज्जः दनावनाच्वंगु किपाः स्व स्थं
थःगु इतिहासया मे हाला च्वंगु खना
जिगु ध्व नुगः दुने निसें
तपतप सःधयूका वै च्वंगु हि नं
इमिगु मे नापं संगीत बिया च्वं थें ताइ

अलय् ! अलय् !!

जिगु ध्व थौतक्क सिति वना च्वंगु हि नं
स्वैतं साथ बिया च्वं थें ताया
द्वकः ध्व धरती हे तज्याइ थें च्वंक
तसकं बिकराल जुइक हिले पिज्वइ ।



वा
खं | —हितकरबीरसिंह कंसकार

कियाकिपा—निपा: खा:या

लक्ष्मीपुजाया दिं । प्रत्येक छेँखाय् पाल्चा, मैत व बिजुली मतं
बासं क्याच्चन । मनूतय् लिमला:गु धयां मढ्या: । उखुनु प्रकाश ह्विच्छ
पसलय् । खँय् व खँय्नी निह्य सुत्त दुहांवन । धाथेला खँय्तय् निति हे
चाय्कात:गु पस: । खँय्तय् मिखा सालाकाय् फुगु ह्याउँ वाउँ लं काप:,
सारि प्रकार प्रकारया काप: । छह्य खँय्नीनं ह्याउँगु भूमिइ तुयूगु
चक्का दुगु ख्वाराख्वारां च्वंगु सारि स्वस्वं धाय् लाकल, 'हाइ गुलि
बांला:गु ! रंग वनीगु सारि लाकि छु थ्व, साउजी ? गुलि थुकिया ?'

प्रकाशं प्यात्त धाल, 'रंग गनं वनी ! रंग वनीगु सारि छिर्कापित
अये' बियाच्छे ला ? दकले भिगु सारि थ्व । मेगु ला द नं मन्त, थ्व हे
छत्वा: जक ल्यंदनि । काय्गु सा कैदिसँ । मूया हकय् पोन्यातकाय् पा:
श्वी मखु । का स्वंचिसँ, छित: गुलि ल्व: !' खँय्नीया नुग:पाय् थ्यंक
ह्ला: विका: सारि पयना: वयन । खँय्नीया ख्वा: ह्याउँसे च्यानावल ।

'पोन्यातका ? सारै हे अप्पो जुल का मू । स्वीन्यातका बीगु का,
का साउजी । का प्व:चिना बियादिसँ ।', काप: भि मता:सां कला:यात
ल्व:गु खना: खँय्नी सारि ल्व:ते मफुत ।

‘पीस्वतका ला जिगु हे तू, स्वीन्यातकां गये बी पइ ! का
म्वाःल, छि हासाः जक, पीप्यतका जुल । प्वःचिल ह्लि जि ?’

‘स्वीन्यातकाय् ला धेब्छगः हे तने मखु, सावजी, ज्यूसा
बियादिसं ।’ द्वक व्वबुबुं खँय् ह्याः ह्याः बनेत्यन ।

लिउनें द्वक सासां प्रकाशं हाकनं निह्यसितं थुचुक पयतुकां
स्वःतल, ‘का पीछतका जुल, प्यतका दां त्वःता बी धुन ।’

‘य हे मय्ल ।’ खँय् लागि चाचां दना हे वन ।

भचा उले ध्यने धुंकूह्य खँय्यात हाकनं सात्तुसालाः हल ।
पुयातःगु तपुलि व द्वक लाकाः सुचुका बिल । निह्यसिया इत्युइ वं
पाकाथुकु । बल्लतल्लं स्वीगुतकाया मू व्वःजित । भ्वाथःगु जनी पयन ।
नोट लिकाकां निनाः बिल । तपुलि, द्वक व सारि कयाः खँय् व खँयो
भसलं पिहांवन । फिस्वतका दां व्वाय्दयाः प्रकाशया ह्वालय् ह्लि
पिचवल । चिग्वःगु सेफ चाय्कल । दां अन्यानाः तिकातःगु लक्ष्मीःया
किपाय् थोकाः दुने स्वयन । थिक्क न्ह्योनेच्चवंगु पसःया स्टूलचाय् पयतुनाः
पासालिसे गफ यानाच्चवनाह्य जि वाताहाँ ।

थौं ह्मपुजा । नेपाल सम्बत् हिलीगु बिं । अँ, ध्व हे तूवँया
जसताय् प्रगतिशील साहित्य पुचःया ग्वसालय् प्रगतिशील साहित्य
सम्मेलन जुइगु । व्वतापी खल्लिइ तयाः पाय्छि इलय् ध्यंकः वन । तां
जाःगु बहाः । गुंपुत्तीखुनु बही छः स्वयत्त मवसे मगाःगु बहाः । मनुत
व्यांचवन तिनि । मेच छगुलिइ धिक्किहि पयतूवना । बाघौ लिपा बल्लं
साहित्य सम्मेलन शुरु जुल । खँय्भासं हे लसकुस मे धुंकाः लसकुस ख्वु

जुल । नां जाःह्य साहित्यिक महारथीपाखे मुँज्या उलेज्या नं क्वचाल ।
उद्घोषकं माइक ल्हन, 'आः न्यनादिसँ, जिमि ग्वसाःखलःया नायःपाखे
स्मल्लाःगु न्वचु ।'

मिस्तय्गु डिजाइनया पाइन्ट न्ह्यानाः मंचय् दंवल प्रकाश छम्हं ।
'अय्सा प्रकाशका मखुला नायः!' जिगु म्हतुं मचाय्क पिज्वल ।

श्वं स्वस्वं प्रकाशं खँय्भासं न्वचु बियाच्चन, 'थौं कीत मालाच्चंगु
बु गरीब जनताया निंति चवयातःगु जनपक्षीय साहित्य । शोषित जनता-
प्रति जुयाच्चंगु अन्याययात उलाः शोषकतय्त्त क्वथलातःगु साहित्य हे
धात्येयागु प्रगतिशील साहित्य खः । थौं कीपि शोषकतय्त्त क्वतय्काः
शोषित जुयाच्चनेगु ई थ्व मखु । उकिं थौं थ्व हे उद्देश्य कयाः थन
प्रगतिशील साहित्य सम्मेलन जुयाच्चंगु खः । सेक्सय् दुब्बाकाः न्ह्याइपुगु
कल्पनाय् सवाः काय्काः चवयातःगु साहित्य थौं कीत माःगु मरु ।'

न्वचु न्येन्यं जिगु म्हलुइ खाइक ई बुयावल । उम्रिमय् जिगु
मिखाय् ह्मिगःयापि खँय् व खँय्तीया ख्वाःत थुचुथुचुं फयतूवल । मेचं
जि बाथाक्क दना । मंचय् थहांवनाकथं प्रकाशयात लिक्थं लप्पु ज्वनाः
साला, ह्मिगः खँय्चित साः थे । पलखया निंति सकलें लाता, सकलें
पक्क । जि छुं नबाइ थे सकसिगुं ह्माय्पं तिंति स्वाः । नवाय्त जिगु
म्हतु उलुउलु । छु मतिइ वल थे, माइक स्वहाय्काकथं बारा सुइके थे
बेय् वांछ्या बिया । माइक तज्ज्यानाः नं चुलुंबियाः ध्याकुनय् न्याःबन ।
धात्येया प्रगतिशील ला माइक बुने धकाः ज्वाल्नं थिनाच्चन । अजुगति
भय्बूगु सकसिगुं मिखा व हे माइक बुने ज्वाल्नं थिनाच्चंगु प्रगतिशील-
ताय् तय्यनाच्चन । प्रकाश मूर्ति जुयाः दनाच्चंया च्वनं । ★

खने मरु मरु

[जिमिसं खनेमदय्क लिसः सुलाच्चंगु न्ह्यसः न्ह्यब्वयागु दु ।
लिसः बियादिसं- छिगु लिसः पाय्छि जू मजू सीकेत पत्रिका पुइकु पुइकु
फासं गनं लिसः सुलाच्चंगु दइ- छितः तय्जू याय्त-सं]

१. छह्य मनुयाके निगः बाल्तिन दु । छगः बाल्तिनया लः या १५° F
क्वाः जः दु । मेगु बाल्तिनय् च्वंगु लःया क्वाः जः १५° C दु । बाल्तिन
बैय् दिकाः व मनुखं निगः धेबा निगः बाल्तिनय् छक्वलं कुकल ।
धयादिसं दकले ह्लापां गुगु बाल्तिनय् कुकूगु धेबां बैय् थिल जुइ ।

२. छगः खाःया शिशिकयाः छह्य मनुखं छिगु न्ह्योने उकेया कर्क
लिकाल । छतकावंगु दवल शिशिकुकल । कर्कपुसा तिना कर्क लिमकासे
शिशि मक्काकुसे, तमछ्यासं व धेबा लिका धकाः छितः बिल धाःसा छि
गुकथं व धेबा लिकायादी ।

३. 'छ जिमि सहे किजा खः' - छह्य पासा साछी तया छम्हेस्यां धाल ।
तर छ जिमि दाजु मखु'- वं नं छह्य पासा साछी तया प्रमाणीत यात ।

इपि निम्हेसिगु मुद्दा छिगु अदालतय् वल धाःसा इपि गुकथं यः
लाः निम्हेसितं चित्त बुझ् जुइक सफाइ बियादिसं ।

४. पासाया ह्लाः ज्वना वइच्चंह्य छह्य मचायात कयनाः प्रकासं न्यन-
थ्व सु ले ?

रबी- फ ! छं ह्यामस्यूला ? बिकासया काय् का

प्रकास- थ्व ला थ्याक्क मांया ख्वाः वः का

रबी- तर छं ला गुबलें थ्वया मां मखंनि

धयादिसं प्रकासं छु लिसः बिल जुइ ?

चु-चिनाखँ छज्वा:

छ व जि - मी
मृत्यु खना: मग्वा:
बाय् ?
मृत्युया बाय् यगगाना
सिना: सिना: स्वानाच्वंपिं
मी ।

◆ कन्हैयाकुमार

ह्ला:या पतिचात
प्यपुना च्वंपिला
इपिनं गन ख: धका
अयुनं इपिं स्वाइ
वहे ह्ला:या
न्यापतिं छपतिं जुया: ।

◆ रामशरण

स्वतन्त्रता मन्त्र मखु
अधिकार फवनेगु मखु
महिता: नाप हनेगु मखु
सिना: स्वायेगु मखु
क्वकां न्हायेगु मखु
प्रेमिकायात तोतेगु मखु
जूगु जुइ ।

◆ अशोकमान तुलाधर

सुना नं या धाय्वं याय्मते
याय्मते धाय्वं मयाय्मते
या धाय्वं याय्गु
याय्मते धाय्वं मयाय्गु जूला
मीत यन्त्र सिबाय्
मनू गथे धाय् फै ?

◆ भीमध्वज

वला भया: ख:
गनं कवस्वया
न्हाना च्वंगु ईबात
स्वये फै ।
मेगु ला छु भवा: चाय्का
गुम्म च्वंगु कोठायात
सिच्चुके फै ।

◆ एन. बि.

क्रान्ति
थ: स्वयं गनं
व:गु मदु
वैत- लप्पुज्वना:
कक्कुज्वना:
हिम्हुका:
हुतुतु साला: इ:गु डु ।

◆ किरणकुमार साय्मि

चव
खँ | - रमेसकाजी स्थापित

रुवा:

जिगु मिखा फुक्क रुवा: स्वस्वं सररर न्ह्यानाचवन । गुलिस्यां द्वा:
थे' हाकुसा, गुलिस्या च्वापु थे' तुयूगु रुवा: । गुलिस्यां बाराहि थे' च्वंसा
गुलिस्यां जतायू थे' । गुलिस्यां हिमालय्थे' च्वामुक ह्वाय् दुसा, गुलिस्यां
वेपत्ता ह्वाय् तिप्रिमैदान थे' पिचुक इस्त्रीयानात:गु रुवा: । गुलि सुरसाया
थे' त:प्रा:गु म्हतु दुपिसा, गुलि सुचिमुखि थे' च्वंपि । गुलि प्वों दाया: हेहे
ता:गु रुवा: गुलि रण्डां सुया पिच्चुका त:गु रुवा: । गन्यागु रुवा:, गन्यागु
रुवा:, रुवा:या चित्रण वर्णन यानां साध्य मजू । थव रुवा:या मौलिकरूप
छु ख: सीके थाकु ।

खय्तला मनूतय्थे' पशुतय् रुवा: मदु । साय्द इमि न्ह्यु
मनूतय् थे' विचार याय्गु मखसे थ:त स्याका: गुथियारतय्त सीका:ह
याकेबले गणेद्य:यात त्वसुकीगु लड्डुइ छकूचा मनवौ तिकी थे' न्ह्यु
छकूचा तिका: नइगु जूगुलि मनूतय्थे' छचों व रुवा:या अलग्ग अस्तित्व
मदसे छचनय्तुं रुवा: नं घानान्द्य:गु जुइसा: । अथे मखुसा मनूतय्
मिसारुवा:, निजंरुवा: घा:थे' हँय् रुवा:, दुगुरुवा:, खारुवा:, धका: मघासे

हँय छचों, छा छचों, दुगु छचों, मे छचों धका: छाया धयाचवन जुड ।
 अथेला मनूतयन बांला:खा: व बांमला:खा: निम्हेसिया स्वापु जुल
 धा:सा बांला:स्हे बांमला:स्हेसित पशुतयगु खा: लुइका: ध्वं खा:, छिचा
 खा:, भौ खा:, बोविस खा: धका ब्व: मयूगु मखु । अले बांमला: खा:
 चां नं बांला:स्हेसित 'खा:हे गय्चवं किचनी थे' खवं' धका: ब्वलासाया:
 सन्तोष सकाइगु नं मखु । उके' खा:या थ:गुहे महत्व दु । अलग विशेषता
 दु ।

मनू स्वभावहे प्रगतिशील उके' बुसां निसें दुगु खा: गुलि गुलि
 उमेर अप्पो जुल उलि उलि तपावेका यंके फय्मा: । थयेयाये फुसा यक्वहे
 फाइदा दु । थन तपा:खालं पुया: छु जक याये मज्यू, न्ह्यागु' याये ज्यू ।
 ज:लाख:लापिनिगु कुसा, लुसि, वस:, धेबा, फोन्टेन इत्यादि त्याये कया:
 पुले त्व:मंकेगु बानि दुपि मनूतयला तपा:खालं पुइ फत धा:सा ला
 फन खँ हे मन्त, त्याये कयागु चिजं हे लखपति जुइफु । बरु आश्चर्य
 चायेमा:गु खँला थ्व हे कि इमित सकस्यां हनाबना नं तयाचवनी । खा:म
 दुहा मनू गनं छेय् वना: तलय सु दी धा:गु ताय्वं तलय च्वंपि मनूतय
 मत्ति बनी 'आ थ्वं छु का: वल थे' धका । ला:सा थ:पि तलय दुसां
 मस्तयूत मदु धका: धायेके छोइ । अलय व मनू कायेत मखु वीत ब:म्ह
 घयागु खँ सीवं तलय मदुपि मनूत गनं गनं दयावइ ।

बेकारी थ:गु अमूल्य जीवनयात पेन्दींग बाना: सरकारी जागिर
 नयेत ताना:तु च्वंहा मनुखं धाइ- श्व श्व अखवार नं गुलि स्वयेगु व माल
 थ्व माल धका विज्ञापन बिइगु दरखास्त त: वंसा दरखास्त दस्तूर जक
 चन्दा कया: थ:मनू तु' ल्यया: तइगु । खा: सबयेकला जागिर नयेगु

वाःकाः नं तयेम्वाः ।

अस्पतालं छह बुरि म्हुतु वाला वाला संकाः पाका पाकां हालाः
पिहां वइ- सुं हे मनू मबुबले निसें पियाचवनागु एक बजे जुइ धुंकल
आःतक जाँचय् याकेगु पाः वःगु मखुनि । थः स्वयाः ववय् ववय्या नम्बर
लाःपि गन गन थ्यने धुंकल । थःगु धाःसा पाःहे वःगु मखुनि ।

ख्वाः म्दुपिं न्ह्यात्थे याःसां मज्यू छुयाये ? छितः छु माल ?
जागीर ? चिनी, चिकं, मचिकं, पेट्रोल, सिनेमाया टिकट अऊ ह्लिनय्
ह्युंसे च्वंकीगु ब्लाक मार्केटं छुं काये मालला ? धन्दाकया दो म्वाः ।
छि न्ह्यापु ववयेक व्यू नं च्वने म्वाः । तुतिस्यावक पल्टन नं हिते म्वाः
नकय्ता नायेक पयतुइ हे भाः । वरू ध्यबाया नाप नापं ख्वाः छपाःनं
ववये फयेके भाः । ध्यबाला बस्तु हिलेत दयेका तःगु टिकट हे मखाः !
बस्तु दंगुला ख्वाःपा दुताहे जक । उके स्पष्ट सिइ दु ख्वाःपाःचा छ्योया
ववसं च्वनाः बांलाका जक च्वंगु मखु, फीगु पलाः पलाःपति निर्देशन
बियाः, नायो जुयाः ज्या याका च्वनी । अलय् जितः थज्याःगु महाणवाणी
मय्दकुसे ख्वाः बांलानां छुयाये, कर्म बांलाके भाः धकाः पारापारा हाला
च्वनीपि बुराबुरितय्त नर्थकक हक्के मास्तिवइ । थन ख्वाः चुलाः नं
नयेज्यू थौं कन्हे ! अथे मखुसा सुथय् दंसां निसें मद्यो तले प्वाषं
पिहांजक वःपि मस्तसें निसें वा छपु मवयेक हाये धुंकूपि बुरातसें नाप
हेमामालिनि, मुसताज, नीतुसिहया भजन छाय् यानाच्वन ? उके थनला
थौं कन्हे नयेहे मखंसां ख्वाः छपाः बांलाःसा अथे नये दइ । उके जिगु
सल्लाह न्येनेगु खःसा सकस्यां थः थःगु ख्वाः बांलाका विसं, म्हुतु
तप्पाःसा पाकां सुयाः, छ्याकः जूसा खालिसं बुयाः, तज्जा जूसा रण्डां

सुयाः, हाकुसे च्वंसां सख्वालं बुयाःसां बांलाका दिसैं । अलय् थम्हेंहे
परिक्षा याना दिसैं ख्वाः चुलाः नये ज्यूलाकि मज्यू ?

कीगु दे हिन्दु मुलुक खः । थन च्वंप्पि फुककहे हिन्दु चाहे व
ह्यासु वसतं पुनातःह्य भिक्षु जुइमा वा अरघोरीबाबा । ध्यायाःसां
थ्व देशमा सकल मनूतय्त रक्षा यानाच्वंह्य षणुपति महाद्यः खः ।
रामायण्य ल्वापुखिचा नोर्कनि छम्हेस्यां यानाःहे राम वनबास वनेमाःगु
खः । महाभारतया युद्ध कृष्णया ल्वापुखिचा नीति यानाः हे जूगु खः ।
नारदला फन धायेहे स्वाःल आइसा तिस्वातकिला छयाय् नं छयाय्
उपद्रो मजुइहे मखु । धात्येला ल्वापुखिचा क्लबया नायो ल्ययेमाल
घाःसा नारद थे ज्वःह्यहे ल्ययेमाली । अलय् थज्याःगु बाखनं जाःगु धर्म्य
दुबिना च्वंप्पि की हिन्दुत जक गय् ल्वापुखिचा मजुसे च्वने फइ ? अले
नारदयात गुरू मानेयानाःवइतं थ्वइतं मखु मखुगु खँ ह्यानाः ल्वाकीप्पि
मनूतय्गु गःतां ज्वनेत स्वपाः ख्वाः चूलायेमाः । स्वपाःख्वाः चूलातकि
ल्वापुखिचातय्गु सातुहे वनी । अलय् मखु मखुगु खँ बय्बय् याइगु म्हुतु
घानातःगु ख्वाःला होलिवलय् थे अबिर इले स्वाय्क हे ख्वाः छपातं
ह्यारंया वइ ।

धात्येला ख्वाःहे नुगःया एवसरे प्लेट खः । नुगलय् गज्याःगु खँ
जुयाच्वन धयागु खँ वयागु ख्वालं स्पष्ट वयनाच्वनी । भाःत अफिस वं
तले कोठाय् मुलाः मरिप्पः नयाच्वंह्य मतिकुप्हाः कलाःम्हेस्यां ह्यय्
माय्बिलिच्चां जक खि फानाहःसां सुनां खन थे धकाः ख्वाःहे वंचुसे च्वनेत
बेर मदु । व्यः, दुरू, ला, मदयेक जा ववहां मवंह्य पासायाथाय् तलय् सु
दी ? धकाः मधाःसैं बइगलय् मुरू मुरू थहां वना बलय् गुन्दु के व मल्ला

वां न्यानाः जा नयाच्चंगु खं बलय् व पासां वांन्यानाच्चंगु मलता सिक्केन
ख्वाः ह्याउंकल ।

घात्थेला कलाःया ख्वाः भाःतं, भाःतया ख्वाः कलाःनं स्वयाः ज्या
यानाच्चन धाःसा निह्यतिपूया गबले त्वापु जुइ मखु । पिने ज्या स्यकाः
ख्वाः ख्युंका वःह्य भाःतयात छे थ्यनेवं ख्वाःहे मस्वसे कलाःनं व न्याना
मभ्यु, थ्व न्याना मभ्यु धका षुकि न्यंकः वइबलय् लाकामं न्याका च्वने
माले बः । उके चलाखपि कलाःपिसंला भाःतया न्ह्यु ख्वाः खने साथेहे
फरमाइस याये धुंकी । फलना हलय् प्याखं स्वः वनेगु मखुला ? डिस्का
पसलय् पसि न्याःवनेगु मखुला ? अलय् भाःतनं मुसुमुसु हिला कलाःया
फरमाइस पुरेयाना बिइ । उके हे ला खइनि थौंकन्हेयापि शिक्षित तसे
मनोविज्ञानहे अप्पो ब्वनेगु स्वःगु । छाय्धाःसा मनोविज्ञान ब्वन धाःसा
नम्बर मिलय्याना तःगु तःथे ख्वाः स्वयाः खं ह्यायेत नम्बर मिलेयाइ ।
अले नुगःया खापा अःपुकहे चायेके फइ । थथे जुइ बले भाःतयात
पाह्लाःतय् प्याखं लहुइके फइ ।

थ्व हे ख्वालय् लुयावइगु अने तने रंगया भावत मुनाःहे सिखाति
पचलि भैरव, न्येतमरु अजिमाया प्याखंम्वःत गुम्हं ह्यासु ख्वाः गुलि
ह्याउंख्वाः, गुलि बेंचुख्वाः तुयूख्वाः वुगु जुइमाः । थथे स्वये वलय्ला
भाःयापि कलाकारतय्सं मोडन आर्ट धकाः नुगःया भाव चित्रय् प्वंकु
थे अबलेयापि कलाकारतय्सं ख्वापातय् हे प्वंका ब्यूगु जुइमाः ।

थौं कन्हेयापि वैज्ञानिकतसे यानाला ख्वाःया मू कन अप्पो बंगु
हु । थौं कन्हे कीथाय् सुं सीसा सी उइत सिं थिके जक जूगु मखु न्यायेहे न
याकुइ धुंकल । हानं हिन्दु परंपरा बिरुद्ध भिमसेन थापां थें बंगु तीछ

सित्यापि धों व गिद्धतयत् नकाः धर्म याना म्वाःम्वाकं तरे जुया वं थें
तुं कीसं नं याये धाःसा थों कन्हे धों व गिद्ध फुक्क मनूया खाःपाः पुयाः
सिंहदरवारया मेचय् च्वं वने धुंकल । उकें जिगु विचाः ग्यनेगु खःसा
आः सीपिं मनूतयत् फुक्कसित बिचित्रपिं मचातयत् थें तुं ततःग्वःगु
सिसी वासःतया स्वथना तःसां ज्यू । छायाःधाःसा थ्व युगहे क्यूरीयो युग
खः आगंछः मियाःसां विल्डिङ्ग दनेमाःगु युग खः उकें छह्य बंजानिकया
भविष्यवाणिकथं न्याद्वः दँ लिपा कीगु खाःपाः क्यूरीयो खाः जू वनी ।
अले कीसं आगं छः मियाः छखा विल्डीङ्ग दनाः सां की सन्तानं घाय् घाय्
बाज्याया लास मियाः न्हूगु ताजमहलहे दनाः प्रेमिकायात उपहार बिड
मफेला ? न्ह्यपु छकः नाय्का विसँ ।

खाःया प्रदर्शनि स्वयाः लिहाँ वयाह्य जिगु मिखाय् खाःहे जक
लुयाच्चन । स्वः स्वः थाय् तक खाः । पसःपति भिद्यः खाः, अडुपति
भैरःखा । ल्यासे ल्याय्हात हिप्पि खाः । धात्थेला खाःमा पुचः मुनाः
दयाच्चंगु संसार थःहे छपाः खाः । ❀

खने मरु मरु - तयजू

- १) १५°F दुगु लः बरफ जुइ ।
- २) कर्कयात न्याक्क धिबादिसँ । कर्क शिशि बुने ध्यनी ।
- ३) तता व किजा ।
- ४) मचाया बी वं म्हस्यू । मचा हामो गोछिहे बीया खाः लिसे
मिलय् मजू ।

क
वि
ला | —नारद वज्राचार्य

जिगु विश्वास

सुपाचं किनाः
सूद्योया जः
धर्तिइ मखल धाय्वं
दोष सूद्योया मखु ।

मछिगु धासं
जि थःत
पम्हुइत स्वयां
दोष जिगु मखु ।

सूर्यवं जः
मन्यूगु मखु
जि थःत
पिमन्वयागु मखु ।

जःया लँयात
सुपाचं किनाब्यूगु दु
चकें व न्यंक धर्तिइ
खय् मफु ।

जिगु प्यखेरं
कँ, पँ, तैतःगु दु
चकें न्यंक लँय्
जितः न्ह्यज्याके मब्यू ।

लगातार जःया आक्रमणं
छन्दु सुपाँय् हगना बनी
लगातार जिगु कुतनं
छन्दु थव षःखाः दुनीतिनि । ★

सा
य
री | — जोशिनगू

भौमचा जुया छुयाय् मय्जु, जा हे कवय्कल
माजुं छकः ब्वबिड बलय्, ज्वर हे वय्कल ।

खःला मखुला लभ जूगु, न्यने धाःसा ग्याः
मन्योतले ब्याहा जुइगु मखु, कलाः हय्गु द्याः ।

देके वनेत स्वां माःसा, सम्हे नय्त व
ल्यासेपिनाप खँल्हायेगु खःसा, माःगु दु छुं नं त्वः ।

लभ जूगुला खः, तर जिं हे जक यात
वं नंला स्वःगु खः तर पय् नं वंगु पात ।

इलय् प्याखँ स्वःवने बलय्, गुलि न्हाइपुसे च्वनी
दाजु' धका मय्जुपिसं नवाःबलकि, थःतुं बुरा थें च्वनी ।

आकासय् इल्ल मगुत खनेदु, तर छुयाय् सकभनं जः हलेमफु
लैय् परीदला ग्वाः ग्वाः जू दु, तर छुयाय् छम्हनं लभ यायेमफु ।

थौं कन्हे न्ह्याम्हं मिस्तसें, म्याकसी, लुंगि, पाईन्ट न्हाइगु,
लैय् व वं काचाक्क स्वयेबले, मां म्हाय् छुतय्याय् धाकु, ।

खालिगु भ्वँ अर्थे तयातलकि, न्ह्याम्हेस्यानं केरमेर बाय् यः
ल्यासेपि म्हाय्मचा छेँ तयातलकि, डेराय् च्वम्हेस्यानं
व्वय्का यंके नः ।

सिकःमिया स्वाहाने भ्वाथः

थौ सिवय् तःदँ ह्लापा, थ्व चारभाज्याङ्ग्या दुने चिचि धंगु दे
यक्व दु । येँ, यल, खप, किपू, ठिमी, बुंग, सक्व, पन्ति आदि देत
उल्लेखनीय जू । थुके मध्ये मूलगु येँ, यल व खप दे खः । थ्व स्वंगू
देया परस्पर क्वातूगु स्वापू दु । येँ, यल व खप, थ्व स्वंगू देशय् नं कला-
कार (दंकःमि, सिकःमि, त्वहंकःमि, आवा, पुं, वस्ताज आदि) विद्वान्,
गुरुजु, जोशीजु, ब्राह्मण, साहु महाजन, राजनीतिज्ञ आदि त गाक्क दु ।
नापनापं धनधान्यं, कलाकृति, साहित्यं, उद्योगं, व्यापारं परिपूर्ण जू ।
थ्व देत थःथःगु सु-संस्कृति व मान्यताया आधारे विकास जुजुं बनाच्चन ।
सुं आपालं तःमि मजू, सुं आपालं नय् मखंक गरीब मजू । धर्मयागु
खँय् नं सुं सिवय् सुं कम मजू । देशय् छुं त्वापु ख्यापु मदु । यदि छुं
गथे जुया त्वापु वा दुःख, कष्ट जुल धाय्व जुजुं, थःम्हं तुं ध्यान विया
विचार याइगु जुयाच्चन । उके देशय् फुक्कथासय् शान्ति व सुखया
साम्राज्य जुयाच्चन ।

येँ, यल व खप, थ्व स्वंगू देशया ध्वाकां पिने घोर गुं (जंगल)

दु । गुई धुं, भालु, धों, भौ, चल्ता, जरायो आदि जन्तुत व किसिम
 किसिम जातपि ङ्गः पंछित अल्याख दु । गुई ग्यानपुसे च्वं- ज्यान-
 यागु भय दु । उकें मनूत थःथःगु देशं पिने याकः वाकः बने मछाः ।
 म्हाय्मचा पित ब्यूसां, भमचा काः तंसां, छःया थाय् पूजा बंसां,
 सिधं यंकूसां बथां चिक दाजु, किजा, थःथिति फुकी, पासा आदिपि मुनाः
 वनिगु जुयाच्वन ।

छन्हुया दिनय् यल देया दक्षिण पत्ति च्वंगु गुई लोकया मां श्री
 महालक्ष्मी प्रकट जुया बिज्यात । थ्व खँ सुनानं मसिया च्वन । लोकया
 कल्याण व सकल प्राणीया उद्धारयालागि चिन्तित जुयादिज्याःह्य श्री
 महालक्ष्मी प्रकट जुयाःलि नेपालय् (ह्लापा ह्लापा थ्व चारभञ्ज्याङ्ग हुने
 यात जक नेपाःदे धाइगु खः) छु जुया च्वंगु दु ? ब नेपाःमितयगु चरित्र
 गथे च्वं धैगु सीकेयालागि ह्लापां खवप देशय् थ्यंकः बिज्यात ।

छह्य बुढाह्य मनूयागु रूप कयाः खवप देया लाय्कू, न्यात पौ,
 दत्तात्रय पाखे चाःहूलाः मनू लय्गु चरित्र स्वयाः बिज्याना च्वन ।

अनयाह्य पण्डित पुरोहितं थ्व खँ सीकाः जुजुया थाय् जाहेर
 याना, जुजु, रानीपि, मैयापि, कुमारपि, भाई भारदारपि, त्वाःया नायोपि,
 मांहापि, ल्वाय्ह्य, ल्यासे, मचा, मिजं, मिसा सकल प्रजापि मुनाः, पूजा
 अर्चना यानाः प्रार्थना यानाच्वन ।

खवपय्तय्गु भक्तिभाव खनाः लय्तायाः, श्री महालक्ष्मी वराल
 दियाः आज्ञा जुल,- “भो प्रजाजन पुत्र, पुत्रिपि ! छिमि थन आनन्व नू
 मखुला ? छुं वस्तुया जकं अनाव जूला ? छिमित छुं दुःख कष्ट हुसा
 आःबले धाः !”

मां श्री महालक्ष्मीं थथे आज्ञा जूगु खना खप देया जुजुं, सकल
 प्रजाजन ताप सर-सल्लाह याना, ह्लाः निपां प्यपुंकाः, वण्डवत यानाः
 धाल- “भो मां ! श्री महालक्ष्मी ! छःपिनिगु कृपां थो थ्व खप देशय्
 छुं नं वस्तुया अभाव मदु । छुं दुःख, कष्ट मदु । कृपा जूसा प्रजाजन
 इच्छा याःगु जि विन्ति याय् ।”

श्री महालक्ष्मीं मुसुमुसु हिलाः आज्ञा जुल, “भो पुत्र ! छं याकनं
 धा । छिपिं खनाः छिमिगु भक्ति खनाः जितः अति हर्ष जुल । बिलंब
 याये मते जि वनेगु ई जुल ।”

जुजुं हाकनं प्रणाम यानाः धाल, मां, थ्व देशय् अन्न वाली यक्व
 दय्मा । ताकी भवितव्यं अनिकाल, अकालया स्थिति बल धाःसा प्रजा-
 जनया नय् त्वनेया दुःख सो स्वालेमा ।”

“भो पुत्र, छं उचितगु पवन,” श्री महालक्ष्मी आज्ञा जुया
 बिज्यात, “तथाऽस्तु ।” धया अन्तर्ध्यान जुया बिज्यात । व दिं खुनु निसें
 थ्वप देशय् अन्नं परिपूर्ण जुल ।

अनंलि श्री महालक्ष्मी येँ दे थ्यंकः बिज्यात । अनयापि मनूत
 थःथःगु ज्याय् मस्त जुयाः जूगु खनाः मनसं अति आनन्द भालपा श्री
 महालक्ष्मी मनुष्य रूपकयाः, बसन्तपुरसं, लायकूया आसपास, हिसिचा
 दुःह ल्यासे जुयाः उखे थुखे चाहिला यमितय्गु चरित्र स्व स्वं जुया
 बिज्यात ।

थ्व छँ येँ देया नामूबह्य गुरुजुं सीकाः कोटि कोटि स्तोत्र पाठ
 यानाः, पूजा यानाचवन । श्री महालक्ष्मी वंत वशन बिद्या बिज्यात । श्री
 महालक्ष्मी आज्ञा जुल- “भो पुत्र ! छं छु वस्तुया कामना जुल ? पबं,

जि बिइगु जुल ।”

श्री महालक्ष्मीं थये आज्ञा जूगु खना: गुरुजुं धाल,— “भो मां !
छिगु कृपां जित: फुक्कं परिपूर्ण जू । जित: छुं वस्तुया इच्छा मदु । सदां
मांयागु भक्ति भावय् जिगु मन लगय् जुइमा । बरू मां या कृपा जूसा जि
जुजु लिसे सल्लाह याना: थ:गु मातृभूमियालागि छुं पवने ।”

“धन्य ख:, यमि गुरुजु, छं अति उत्तम वचन धाल जित: अति
आनन्द जुल । गुह्यस्यां थ:गु लागि जक कामना याइ वैत छुं नं दै मदु,
तर गुह्यस्या सकल प्राणी, मातृभूमिया उद्धारयालागि पवनी इमि अति
उत्तम जुइ । का याकनं सल्लाह याना: जित: कं वा !”

श्री महालक्ष्मी न्ह्यू ख्वालं धया बिज्यात ।

अलय् गुरुजु जुजुयाथाय् वना: सल्लाह साहुति याना: वया श्री
महालक्ष्मीयात साष्टांग दण्डवत याना: धाल, “भो मां, छ:पिनिगु कृपां
थन देशय् सकतां पूर्ण जू तर मे थाय् स्वया: धन व व्यापार भच्चा कम,
उकें श्व देशय्, मांया कृपा जूसा, व्यापार व धनया पूर्णता बिया:
बिज्याहुं ।”,

श्री महालक्ष्मीं व खँ न्यना: छुं भाव व्यक्त मयासे सिर्फ तथास्तु
छया: अन्तर्ध्यान जुया बिज्यात ।

थौं श्री महालक्ष्मीया कृपां नेवा:देया व्यापार केन्द्रहे येँ दे जुल ।
थौं कन्हे श्व कलितुगय् नापं धनया धुकू, राजप्रासाद, संसद भवन आदि
धनया मूल तत्वत अप्पो थें याना ‘येँ’ लाल ।

अर्नलि श्री महालक्ष्मी यल देशय् थ्यंक: बिज्यात । यल देशय्
थ्यंसेनि बूढायागु रूपकया: थाय् थासे चाहिला बिज्यात । उगु बखतय्

‘दा’ पिइगु बखत जुया चवन । यल देया सतके, लेंय, गल्ली, चुके,
 त्हाथासंनं वा पाना तःगु खनेदु । लेंय सं त्वाक्क तिवक छह्य निह्य
 मन्तूत सिवाय् खने मदु । वा पानां, वा कोखं, चखुं चां, बखुं चां नई धकाः
 पिवा च्वं पि ज्यापूनीत ताःहाकःगु पं कथि ज्वनाः चखुं बखुं ख्याना च्वंगु
 खने दु । बुढापि निह्य प्यह्यति मुना फलचाय् खं न्याय्का च्वंगु खनेदु ।

हिनसिया प्यताः गं थासेलि वा पाना तःगु धमाधम मं कुगु खने
 दत । श्री महालक्ष्मी बुढाया रुपय् तुतां चुयाः बुलुहुं नं च्यासः त्वाले थ्यंकः
 बिज्यात । छथाय् चुकय् निह्य ज्यापूया वा पाना तःगु जुया चवन ।
 सन्याःकाः ई जुसेलि वा दाना दुकाल । छह्यस्या वा दाना दुकाय् धुंकल ।
 मेह्यसिया दुकाः बले श्री महालक्ष्मीं निफा वा अप्पो दय्का बिल ।
 अले अदृश्य जुयाः अमिगु चरित्र स्वै च्वना बिज्यात । व ज्यापू हाकनं
 दोहरे याना दाना स्वल । वा निफा अप्पो दहे दु । वं बिचाः पात को
 नापं वा पाःह्य तुयुचिगु अप्पो लाःगु जुइ धकाः । वं वा निफा दालाय्
 तयाः तुयुचिथाय् वन । तुयुचा छेंय मदु । वं मांहेसित बिवा थकल ।
 बहनि जुसेलि तुयुचा वया थाय् वया हाः बल, “हे हेरामा दाई ! अथे नं
 पापं पुंकेत वा निफा सिंति बी हया दोगुला ? ह्या तुति मदुला जिमि ?
 अथे सिंति काय्त ।”

हेरामा नं धाल, “मखु तुयु, जि वा दुकया बले निफा अप्पो बल
 चके जि हयागु खः ।”

तुयुचां धाल, “जि नं वा दानाः हे दुकयागु खः । वा छति वाः
 मजू । छि जितः पापं पुंकेत हे बी हःगु खः ।”
 इपि निह्यस्या त्वापु जुल । इपि वनाः मंगले लायकुलि जुजुया

थासय् विन्ति चढे याः बन । जुजुं निहसिगुं खँ न्यनाः धाल, “छिमि
अप्पो जूगु वा जित्तः बी हिं, छिमिगु पाप जिं कुबिइ ।”

थुगु प्रकारं जुजुं इमिगु समस्या हल यात । श्री महालक्ष्मीं जुजु-
यागु प्रजाजन प्रति प्रेम व त्यागया भावना खना हर्षतायाः दर्शन बिया
बिज्यात ।

श्री महालक्ष्मीं आज्ञा दय्का बिज्यात, “पुत्र धन्य छ ! धन्य छं
प्रजाजन ! धन्य छंगु त्याग ! छंगु सद्भावना खनाः जित्तः हर्ष जुल ।
छं छु कामना दु ? धा, जिं बीगु जुल ।”

यलदेया जुजुं सहस्र कोटि प्रणाम यानाः धाल, “मां जिगु जन्म
सार्थ जुल । जिगु थुलिहे इच्छा दुकि सदां छःपिनिगु सेवायाय् दय्मा ।
जिमि सकल प्रजाजनया सदां ज्या सय्मा, ज्या दय्मा । छःपिं यल दे
तोता बिज्याना दी मते ।”

जुजुयागु वाणी न्यना मुसुमुसु ह्लिला श्री महालक्ष्मीं आज्ञा जुल
“तथास्तु !” अलय् अन्तर्ध्यान जुया बिज्यात । उब्ले निसें यलयत्तय्
अप्पो थें याना ज्या सःगु जुल ।

अनंलि श्री महालक्ष्मी गन बिज्यात सुनानं धाय् फूगु मखुत ।
श्री महालक्ष्मीं वचन व्यूगु अनुसार यल दे तोता बिज्याइ मखु धंगु
यकीनजा दत्त । तर गन च्वना बिज्यात धंगु खँ धाय् मफुत ।

यल देया छगू त्वाःलय् सिकःसि व वकःसि, निहस बासापि दु ।
ईपिं निहस सापहे मिलय् जू । न्ह्याःथाय् बने माःसां निहस तापं बनिगु
जुया च्वन ।

छन्हु सिकःमियात भिगु सियागु दरकार जूगु जुया चवन । अथे
जुगुलिं निह्णं पासापि अस्त्र ज्वनाः दक्षिण पाखेधवाकां पिनेचवंगु गुईं
सिं काः वन । इमिसं गुईं सिकःमियात माःगु सिमा माले ज्या
यात । गुईं चाः ह्यूह्यू छघौति थाहां वने धुंकाः छगू तःमागु सिमा
बव्य अति रमणीय प्रकाश जाजुत्यमान जुया चवंगु खन । इपिं लिक्क
वनाः स्वः वन । अनला चिकीचा धंगु पुखूचा दु । पूखूली बाललल
पलेस्वां दु । पलेस्वां पुचः दथुइ छगू ह्याउंगु तफ्फोगु पलेस्वां दु । उकें
जः वया चवंगु जुया चवन । निम्हं गजव चायाः तोले चायाः स्वयाः चवन ।
अले इमिसं अस्पष्ट रूपं श्री महालक्ष्मीयागु दर्शन पावे जुल । निह्णे
स्यानं 'धन्य धन्य कीगु भाग्य' धया प्रणामयात ।

अले इमिसं थःत माःगु सिमा लुइकल । सिमा पाल । माबव
सिं ज्वनाः लिह्णं वल । निम्हं खँ ह्ला ह्ला वल ।

दकःमि धाल "मखु पासा, थ्व चिकुलाया याम, लक्ष्मी छःया
गुलि चिकुसे चवं जुइ, कीसं लक्ष्मी छःयात चवनेगु घाय् देगः छगः
दय्काः बी दःसा गुलि पुण्य दइ ?" सिकःमि लिसः बिल, "खः पासा,
ठं थिक धाल । थौं हे की जुजुयाथाय् विस्तियानाः धन भचा कया हय्
माल ।"

उखुनु अथे जुल । कन्हे खुनु जुजुयाथाय् वनाः विस्ति यात, "भो
महाराज ! ह्यिगः लगं गुईं मां श्री महालक्ष्मी जिमित दर्शन बिया
बिज्यात ।" धयाः जूगु खःगु खँ ब्याक्कं कन ।

अलय् हाकनं धाल, "छलपोलं निगाहा जूसा देगः छगः दय्के, धन
भचा बियाः ग्वाहालि याना बिज्याहुँ ।"

जुजुं मनं मनं श्री महालक्ष्मीयात प्रणाम याना इमित लिधंसा
बिल । स्वसः लुँया मोहः बिया हल । सिकःमि व दकःमि, निम्हं वने
धुंकालि, जुजु, रानी, भाई भारदार, मन्त्रीगण समेत सकल मुंकाः लगं
गुँई 'श्री महालक्ष्मी' या दर्शनयालागि वन । तर इमित श्री महालक्ष्मी
दर्शन मळ्यु । दकःमि, सिकःमि धाःगु पलेस्वांयात जकः आहुलाः ल्याहां
वन ।

दकःमि व सिकःमि, निह्यास्यां थः पिके दुगु च्यातका ब डि
नितका जम्मा नीतका नापं तया, मनू मुंकाः कलापूर्णं छ्वाँतं नितजाः
दुगु देगः दय्कल । खुब मेहनतसाथ ज्याः यानाः इमिसं खुलां सिधय्कल ।
अतय् बलि बियाः धूमधामं पूजायात ।

इमिगु निष्पक्ष, निस्वार्थ व भक्तिभाव खना, लय्ताया श्री महा-
लक्ष्मीं दर्शन बियाः आज्ञा जुल, “भो पुत्रपि ! छिमी छु इच्छा दु ? जि
बीगु जुल !”

दकःमि, सिकःमि निह्या यकोरा, बरेत, सोफापि । अमिसं तत्काल
बिचाः याय् मफुत । श्री महालक्ष्मीयागु यइपुगु वचन न्यना, अतिहे
बांलाःगु रूप खनाः इमि थः थः नापं लोमन । हाकनं श्री महालक्ष्मी
मुमुमुमु हिला आज्ञा जुल,

“ग्याय्म्बा ! छिमि मती लूगु धा ।”

इमिसं बल्ल तल्लं साहस पिकया घाल, “मांया कुपां जिमिके
सकतां दु । जिपि थुलीहे सन्तुष्ट ।”

“छिमित न्ह्यागुसां मळ्युसे मन मच्चन ।” श्री महालक्ष्मी आज्ञा
जुल, “न्ह्यागुसां पवें ।”

अले सिकःमि धाल, “जिपिं निम्ह दु अकें निता पवने ।”
“ज्यू ।”

सिकःमि धाल- “जिमि सदां ज्या दय्मा ।”

दकःमि धाल- “जिमिनं सदां ज्या दय्मा ।”

श्री महालक्ष्मीं ह्लाः ह्लोमा आज्ञां जुल- “तथाऽस्तु ।”

हाकनं सिकःमि धाल, “भां, जिमि सिकःमितय् मेपिनि सिकें
सिक्क नय् दय्मा ।”

दकःमिनं सिकःमियात स्वया धाल,- “भां जिमि दकःमितय मे
पिनि सिकें दंक नख् दय्मा ।”

इमिगु अजाःगु लोभपूर्ण वचन न्यनाः श्री महालक्ष्मीं क्रोधं निह्य
चितं स्वयाः धाल, “अरे लोभी, पापाचारी, दुष्टत, छिमिसं छु पवना ?
(दकःमियात संकेत याना) अरे दुष्ट दकःमि ! छं मेपिनी सिकें दंक
नय् दय्मा धकाः पवन । छं दंकजा नय् दइ तर गुब्ले भा खनी मखु ।
न्हाक्वो हे ज्याला काःसां नच्छि पाय्छि जुई अले ज्या यक्व दःसां
जस गुब्ले दइ मखु ।” हाकनं सिकःमियात (संकेत याना) सम्बोधन
याना आज्ञा जुल, “लोभी सिकःमि ! छं सिक्क नय् दइगु पवन । छं नं
ज्याः यक्व दया यक्व नय दइ तर जस दै मखु । नच्छि पाय्छि जुई
भा खनी मखु । मे पिन्त छेँ दय्कीगु छन्त तुं दइ मखु ।”

थुलि श्राप ब्रिया श्री महालक्ष्मी अन्तर्ध्यानि जुया बिज्यात । अले
पलेस्वां व पुखू मदया वन । उके यागु सत्ताय् (थासय्) देगःया हुने
(पलेस्वांया थासय्) न्यागः खुगः द्योः प्रतिक स्वरूप लोहंया मूर्ति प्रकट
जुल । दिव्य प्रकाशनं मदया वन । श्री महालक्ष्मीयागु मन्दिर भस्वापी

यल देया लगं खेलय् दहे दनी ।

अनं निसै यलय् च्वंपि कलाकारत ज्या खूब सल । ज्या नं
गुब्ले खालि मजुल । तर श्री महालक्ष्मीयागु श्रापं धनं परिपूर्णं मजुल ।
नया थय् मन्त । दकःमि व सिकःमितय् ज्याय् गुब्ले जस मन्त ।
सिकःमिया स्वाहाने भ्वाथः धाःगु खं चरितार्थ जुल ।



प्रकाश लैम्प वर्क्स बीरगंजं उत्पादीत

भिंगु, बांलाःगु, बल्लाःगु

विजुलिया चिम

ट्रक, स्कूटर, ट्रयाक्टरया अटोचिम

सदां प्रयोगय् हयादिसै ।

स्वाप्पू - यल ।



क
वि | — रत्न के. स्थापित
ता

जि : जिगु अन्तरवदन्दया दुने

जि,

हुँ हाकु सुपाचं

ध्व ह्यगु ई यात त्वपुया वै च्वंगु दुने

अस्तित्व लुइकेत वैम्ह

तर, थौं ध्व परिस्थितिया

खतं नःगु पंजः दुने

त कयना च्वनाः

जि : जिगु अन्तरद्वन्द्वया दुने ।

कलाकृतिया तःमिगु देसं

देगः पत्ति फ्वगित मुंका

इतिहासया पौ पुइकुगुला, वा

गरिविया मूक प्याखँ ?

धव हे इतिहास व व्याख्यें लिसे
फगत जि तकयनाचबनाः
जि : जिगु अन्तरद्वन्द्वया दुने ।

शान्तिक्षेत्र

कवैय् ब्रह्म दत्थुइतयाः

खिचात ल्वाइगु रणक्षेत्र बा

मेचय् गय्त शृजना जुइगु

बिहिकिया गंगाक्षेत्र ?

रणक्षेत्र' व गंगाक्षेत्र लिसे

फगत जि तकयनाचबनाः

जि : जिगु अन्तरद्वन्द्वया दुने ।

स्वयम्भुया गजुली चबनाः

पशुपतिइ माकः ख्याःगु

आलिसान कोठाया दुने

दुर्गमक्षेत्रया विकाससिल

फर्मुला पिहांवःगु खनाः

अमेरिकाहे खःला धैथें मत्ति लुइबले

प्यात्त लुमनी

भूगोल पार्कया नवःगु चःबि

अमेरिका' व नवःगु चःबि लिसे

फगत जि तक्थनाच्चनाः

जि : जिगु अन्तरद्वन्द्वया दुने ।

इकें, साकःचिगु जाः दुने

सामुलि भुजिं तक्थं थें

स्वयम्भु व पशुपतिचा दत्थुइ

कला व गरिबिया

बः बः पंजः दुने

जि अर्थें अर्थें तक्थनाः वनी

जि : जिगु अन्तरद्वन्द्वया दुने ।



श्री ५ मुमा बड़ामहारानीया

स्वर्ण जन्मोत्सवया लसताय्

वसपोलया ताःआयुया

कामना याना ।



अरुण इस्पोरियस

खिचापोखरी

व्वा | —ममदेबी ताम्राकार
खं

नकतिनि न्हचलं चाल

भा:तक म्हाय् मय्जु गन काया च्वंगु ? छन्त न्ह्याक्व धा:सां
मण्यू । बयात पित छोय्मते धैगु मखुला ? म्हाय् छम्हे सित हे कजेयायं
मफुह्म छ मां जुयां छुयाये"— लाकांहे मत्व:तुसें बैगल्य् थ्यंक बया:
मिच्चा:गु सलं लाखे खा:गु खना: ललिताया प्वाथय् च्वंह्य किमिहे सित ।
भा:तया तं रूपि मि स्याय्त्त ल: लुइत कपि थें नायुगु सलं लिस: बिल-
"बया सु पासा थें मस्यु तसकंहे ह्ममफु धका सिताचा नाप पिहां वंगुका
वैनहे ज्वी ।" व्द्य:गु मि स्याय्त्त ल:लुतकि क्कन ग्यानापुक्क ऊवाईर्या
स:वैथें ललिताया लिसलं गोपालया तं क्कन बिस्तृत जुल । वा कुरं न्ह्याय:
तुति ब ब स्वाना नर्यक्क हक्कलं— "ख: आ: तकनं पासापि थाय् वंगु
ज्वीका । आम्हे याक: म्हाय् धका: सिस्वां ध्वैथें याना: छचनय् छुनाति,
मौनं नव:खि त्वपुइथें त्वपुयाति, देस बुले याकाति ।" थौं भा:तया
अपरिचित तं खना: ललिता लाती जुल । अले ग्या:पह: व अजुगति जा:गु
स्वालं नवात— "छाय् छि अपाय्सकं तं पिकया दियागु ? सरिताया वारे
मुतां छु खें न्यंकाहल ? कि सरितायात गनं खनादिया ? जि स्वय् स्वा:गु

धायला पला: मछ्चू थें च्वं ।" ललिताया थ्व खँ गोपालया तं सी थे
 च्वंगु मि ग्वलाबी थें जुल । तमं मिखां छुं मखन । ललिताया खँ हे पू
 सबंक गोपालं बैगल्य् च्वंगु थलवल फुक्क घारररर घुरररर याना: गुलि
 बांछोया, गुलि थ्वाना छो दुब्यूह्यथें बर्बरेजुल- "हालेमते मुम्क च्वं छ,
 सुनानं छुं धयामह: । सापहे भि छिमि म्हाय् । सापहे सोझा इंचा थें ।
 हाहांक वये ब्यूरे वयागु थौं लाफ:हे भप्यूसें गन तोते धका । छिमिसं
 लख्य् मिखा कंके फेमखु । मां जुया: बब:बिया कजेयाये मालं कन मतकुले
 थें कुला न्ह्यचिकीह्य । मिखां मखंला न्ह्योने च्वंह्य तुल्सीमाया । थ:म्हं
 धा:गु खँय् सँ छपु उखे थुखे जुलकि अपाय् धिक:पि म्हाय्, काय्पिन्त
 न्यतालय्कि न्यतालय् दायातैगु । सवारं सलयात थें मां बौ नं म्हाय्
 काय्पिन्त छ्याना: थ:गु बसय् तैतय्मा:, छ जुलं ... ।" स्वाहान्य लाकां
 स: वल- सरिता भौ पलाखं वयाच्वंगु । बौह्य दुरं क्वहांवन । न्ह्योनेसं
 च्वंगु तुफिकयाखतं- "थ्व हे मखुला तुति, गन वनेमते धाल अनहे
 वनागु ।" धाधां तुतिइ स्वथुप्यथु दाल । 'छु सनादियागु ल्या ? छु जुल
 धयां छु धयामदी,- धाधां ललितां पनाबिल ।

'हालेमते छ, तोति बि थ्वइत'- गोपालं कला:म्हेसित लपुचा
 ज्वना हँ थ्यंक छ्वाना व्छत । सरितां पंचिक ज्वना व:गु सफू पँ लाककाया:
 मातं छकुति ह्वला बिल । दसिपौ नं- 'थ्व हे मखुला छंगु भराय् धंगु
 ज्या' धाधां कुचा कुचा जुइक ऊयाराफुरूं खुना बिल । ललितां हानं
 पना बिल । मफु मफु थुखे थ्यंक छ्वाना हल । अलेतिनि बल्ल गोपालया
 डिग्रि भचा क्वहां वल । ह्लाच:निसें ग्वाराग्वारां दायाच्वंगु अपरिचित
 तेलिसे परिचित जुल ।

रामचां अफिसय् उलिमछि मनूया न्होने खाःहे ह्याउँक छु धाय्
छु धाय् जुइक गय्चवं धाःगु । कलेजया नेपालभाषा साहित्य सम्मेलनय्
गोपालबाइया म्हाय् सरितां बाखं न्यंकूगु गय् चवंक बांलाः हें, सःनं
मिजंतय् स्वया तसः हें । ओहो ! च्वमिया बौ धका हेबाय् चबाय् यात ।
करपिसं धाःगु खःला मखुला धका अफिस त्वःतेवं स्वः वनां ला ओहो !
श्व ला उलिमछि मिजंतय् न्होने नकिं थें का । मिसाजुया मछाः धंगुला
भ्याःभचाहे मडुका । तं प्याहां वःगु स्वयेबलेला अनं निसें सँ ज्वना
हय्त्पेनागु । गुलि इज्जतया ज्या याः जूगु जुइका मखुला ? भाषा
सेविका, साहित्यकार धका नां कमय् याः जूगु जुइका मखुला ? व हे
नेपालभाषा, साहित्य सम्मेलन धाधां एस. एल. सी. हे स्वकः फेलजुल ।
बल्ल पास जुल । आः हानं श्वःकः जक फेल जुइ मास्ते वल ? छं स्वयाः
यक्को व्वनातःपि खं जि । छं थें सम्मेलनय् वनेमाःह्य, भाषण याः जुइ
माःह्य सुं नं मखं । मेपिनि छु खं ह्याय् छनापहे व्वंह्य वीणाचा थौं बि.ए.
पास याये धुंकल । वला गुबलेनं गनं वनेम्वाः । छें नं कलेज, कलेजं
छें । अन्यापि पासापि दइला छन्त । सिता थें न्यापि पासापि जक
दइका । व मिसाचा आःजक ... ।

सरितायात दाःगु स्याः छतिहे मचाः । बौनं वांछोया ब्यूगुलि छचाल
व्याल जूगु सफू, खुना ब्यूगु बसिपौ खँ खं नुगः चे चे तु तुं स्यात । स्याः
सहयाये सकया मिखां ख्वबि स्वः स्वः बाः वयाच्चन । हिति पवः मडुगु
हिंति लः द्वारारा वइथें बौया म्हुतुं त्वहे मपयुसे पिज्वगु, त्वहंतय्
हाःगु वयव्वाःलः थें छाःगु खंम्वः न्यें न्यं हे ह्याय्पं पिलिगुइ थें च्वन ।
सहःहे याये मफुत । ह्याचः तक ग्याना थरंर खानाः भौचार्ये कय्कुनाः

चवंह सरिता व्वकिस दुव्यूहथें सुनानं मखंक हिलाव्यू थें जुल । सरिताया
 ग्याः चिकु सुनामं लाका यंकुथें जुल । अले बौ नं न्ववाना चवंगु हे
 त्वःथला लिसः बिल- “बा मां पिनिगु ह्ताय् वनीगु कथं जि छु यानागु दु
 धका, थथे जितः कसा बिइत । कलेजय् थः भाय्यागु मुंज्या जुल ।
 पासापि फुक्कस्यां ‘छ हे छ्याञ्जे जुइमाः’ धकाः हाःगुलि जुयाविया ।
 बाखं ह्ताप जूगुलि सफू ब दसिपौ व्यूगु खः । बा काःगु जि नं खं । जि
 अनाउन्स यानाचवना बलय् । जिला बा नं काल धका गुलि लय्तायागु ।
 ‘सरिताया बा नं कागु दु धका पासापि गुलि लय्ताःगु, तर बाया धाःसा
 थजागु ह्युंगु व ववपुंगु बिचाः । थम्हं ह्ताना चवनागु भाय् थकाय्त्त सना
 जुयागु कुतः खनाः छितः तं प्याहां वःसा छि छाय् आम नेवाः भासं
 न्ववाना दियागु ? मिसा जुइवं छेया दुनेजक चवनेमाः धैगु जूसा छि
 मिसा म्हाय्मचायात छाय् व्वंका मिखा कंका दिया ? मचांनिसें
 मव्वंकुसे सुनानं खनी, इज्जत वनी धका न्ह्याय्बः ताः स्वयाः छाय् तया
 मदिया ? गुलि मेहनतया मूति थ्व सफूत । थ्व दसिपौयात थ्व दुर्गति
 छाय् ? अपाय्सकं बाया तं प्याहां वःसा बस जितःहे चनंक पाला छोःसा
 ज्यूनि, मां बाया पुताहे खः जि । थौंया समाजय् प्यह्य, खुह्य इज्जतदार
 मनूतय् न्ह्योने न्यनादिसें जिगु पलाः बांला कि बांमला ? मखुसा छि
 स्याये धाःसां जि थ्व जिगु पलाः तोते मखु ।”- खव खवं धया चवंगु
 सरिताहे मचाः थें चवं छु धा छु मधा । उपो हे हि हि लंगुलि सरिता
 नवाना चवं चवंहे सः थ्याप्य हे दित । भियतनामया हतालय् सोपि
 मनूतथें उखे थुखे छ्यालव्याल जुइक थसः थसः पानाचवंगु सफूत व
 खुनाव्यूगु दसिपौया छकू छकू कुचात थःहे ला हि मुं थें मुनाः खव खवं

थःगु व्वथाय् वन । सरिता खनाः थों मां बी निम्हं निपा किया जुल ।
 ह्वापा लिपासा थथे बौनं ब्वः बी बले थथे जवासवा ला छु उयों घस्वाके
 तक मफुह्य । मांह्याला बाह्य सिक्क दाइ धका पिनाकोया ला हे थरं
 खाकाच्वन । बौह्य ह्याउँपालु ख्वाः ज्यानाच्वन । गोपालया थों मिखां
 खनला मस्यु म्हाय्या कोठाय् वनाः तेबुलय् तया तःगु, थम्हं नचका
 बियागु दसिपौया ससि पाय्कूथें न्याःगु छकू छकू कुचातनं मिलय्याना
 सेलुटेपें तिका च्वन । अले थः थम्हं हे तहाःकःगु सासःह्लाना लय्ता
 ख्वालं 'तःलं टेप तिकागुलिं ह्वापाया थें हे च्वन' धका मत्ति त तं सुरक्षित
 थासय् तया बिइ । ख्वया च्वंह्य म्हाय्यात थनी । मिखां स्व स्व बाः
 वयाच्वंगु ख्ववि हुइका बिइ ।

'नयजू'या मेगु ल्याः

न्हू दँ १०६६ या लसताय्

पिदनी

थःगु च्वसु इलय्हे

दुथ्याका दीत

इनापयाना च्वना

धिसिक्क धें

—जि. बि. जोशी

ग्रासरया क्लास जुयाच्चंगु, ब्वंकु ब्वंकु मास्तरं छह्य मचायाके
न्यन- का धाःसा रमेश ! जि काया मिलय् जू कि, जि वना मिलय्
जू ?

रमेश- निगुलि मिलय् मजू ।

मास्तर- छाय् ?

रमेश- छाय्कि, छि थनहे दु ।

×

×

बस न्ह्यानाच्चन । बिनोदं थः नापं च्वंहा मनूयात धाल-
भाजु ! छिगु रुमाल बॅय् कुतुंवन ।

मनू- (मे मिखां स्व स्वं) छितः छुकेया वास्ता जिगु रुमाल बॅय्
कुतुवंगुली । जवकि छिगु कोट चुरोतया मि नया च्वनंला जि वास्ता
मयाना ।

×

×

मनूतय् लोमनीगु ल्वय् लाय्किगु छगू अस्पतालया डाक्टरं व
अस्पतालय् प्यदं तक्क च्वनाः दकले ह्वापां ल्वय् लायेका वंहा छम्हेसित
पौ च्वयाच्चन-

हनेबहःह्य भाजु....

छि श्व अस्पतालय् चवनाः थःगु ल्वय् लाय्काः फाल । जिपि तसकं
लय्ताः थःगु सफलताय् । छितः पौ चवयेमाःगु कारण श्वहे खःकि छि
श्व अस्पतालय् भर्ना जू फाः बलय् ज्वनाफाःगु कोट व कुसा थनहे
तोफित । उकें थःगु सामान काःफाय्ता इनाप यानाचवना ।

×

×

डम्बरचा छकः फोन यायेत न्ह्योनेसं चवंगु छेय् ब्वाय् वन । थुवाः
खनेवं धाल- छकः थानाय् फोन यायेमाःगु । छेय् बिजुली गायब जुल ।
फोन थुवाः- क्याः गजबया खँ । बिजुली गाय्ब जुलं बिद्युत करपोरेसने-
धका फोन यायेमाः । थानाय् छाये ले ?

डम्बरचा- छि नं गथे खँ मथूगु । बिजुली जिमि कलाया नां का ।

×

×

सुन्दरीजलय् पाटन क्याम्पसया छश्वः विद्यार्थी पिकनिक न्यायेका-
चवन । विद्यार्थीत लय्लय्तातां उखें थुखें चाःहिलाचवन । अचानक तःभंगु
पुछुली छह्य मय्जु कुतुं वन । नापनापं मेह्य छह्य मनू नं कोब्बात ।

पलछलिपा व मनुखं मय्जुयात बचेयानाः थतहल । अजाह्य
साहसि सु हिरो जुइधकाः फुक्कं भुवन । तर आश्चर्य ! व ला क्याम्पसया
बुराह्य पाले सुकुचा जुयाचवन ।

भोजय् क्याम्पस चीफं वैंत निगू ग्रेड तनाबीगु घोषणा यात ।
बया साहसया प्यखेरं बय् बय् जुयाचवन । अय्नं सुकुचा सुम्कहे ।
फुक्कस्यां वैंत छुं नं छुं नवाय्ता आग्रहयात । व सुम्क छाये धका न्ह्यसः
तल । लिसः वं थुकथं बिल- जि श्व हे सीके मफयाचवन कि जितः
ल्यूनं मुनां ध्वात ।

२०३४।६।१ सनिबार खुन्हु 'ख्यालः व प्याखं' केनेगु निम्ति
ह्वापं बियाः ग्वाहालि यानाछूपिनि नां थथेख :-

बि. पि. कर्माचार्य

२५१- जीवनराज

२५१-

२०१- तका बियाछूपिं

तातिदाइ

अमरबहादुर श्रेष्ठ

चन्द्रलाल

रामकृष्ण श्रेष्ठ

एस. पि. गुप्ता

१५१- तका बियाछूपिं

शुभाष शाह

न्हुछे महर्जन

लेबिमान

केशरबहादुर मानन्धर

पाठक

१०१- तका बियाछूपिं

नरनारायण

रामलाल प्रधान

केशवलाल श्रेष्ठ

हिक्मतबहादुर माली

रामबहादुर सिं

मधुरध्वज जोशि

हरि श्रेष्ठ

राम मानन्धर

रत्नबहादुर सिं

महन्त साहि

आशाकृष्ण ताम्राकार

ध्रुवनारायण

देवलाल

ऋषिबहादुर श्रेष्ठ

किरणकुमार

रत्नदाइ

अष्टमाया

बुद्धकाजि

मुत्तरत्न

गंगाराम श्रेष्ठ

शेषमारायण

नारायणप्रसाद

५।- तका बियाछूपि

द्वारीका श्रेष्ठ

गंगाराम

रुद्रकृष्ण ताम्बाकार

बिष्णुनारायण महर्जन

बाबुराम श्रेष्ठ

भक्तलाल साहि

लक्ष्मी राजत

नृछेमान सि

सत्यनारायण

हरिभक्त

अमरदास सि

प्रेमकुमार

स्वयम्भू

बुद्धकृष्ण डंगोल

गोपाल श्रेष्ठ

योगेन्द्र

बालगोपाल

हर्षबहादुर मानन्धर

श्याम साहि

हरिनारायण मानन्धर

शिवलाल

मोहन शर्मा

कृष्णदास

गंगानारायण श्रेष्ठ

रत्नबहादुर मानन्धर

मोहन साहि

रामदास जोशि

सालिकराम के. सी.

द्वारीका जोशि

देवेन्द्र

देवनारायण

श्याम मानन्धर

भीमबहादुर

मधुकर महर्जन

अमृतमान डंगोल

निलकण्ठ

बिष्णुभक्त श्रेष्ठ

मिलन

पूर्णबहादुर मानन्धर

दुर्गा श्रेष्ठ

पूर्ण मानन्धर

लक्ष्मीदास

कृष्णबहादुर

की की ध्वः या त्याः चाः

दुर्गावःगु	धेवा	खर्चजुगु	धेवा
ह्वापवाखे वःगु	६६११-	घाणक — —	१६०१-
१०९७ पोहेला ४ खुम्हु		मसा — —	२२९१-
संगीत भुंज्या घाणाः ह्ये		विबिल — —	१२०१४५
रुगु — — — — ११७६१६५		मालि हविगु —	१३२८१२०
१८३७१६५		१८३७१६५	

द्व्याब्जे
भी भी ध्वः

जिमिगु खँ

बालदिवस । मां बौ मदुपि अनाथ मस्त प्रति करुणातया
बालमन्दिर नीस्वंगु दिनया रूप्य न्यायेका वै च्वंगु खः । थथे न्यायेका
वै च्वंगु थनि कीप्यदँ दत्त । थुलिया दुने देया यक्व थासय् बालमन्दिरत
दयेकेगु ज्या जुल । गुके देया अधिकांस हाःनाः मदुपि मस्तय्त छगू तःधंगु
तिवः जू वंगु दु । इमिगु ख्यूँगु भविष्यय् जः खः वगु दु ।

विश्वया तमाम मस्तय् भबिष्ययात च्यूताःकयाः इमिगु कन्हे
उज्ज्वल यायेगु ताःतुना संयुक्त राष्ट्र संघं 'अन्तर्राष्ट्रिय मचा दँ' न्यायेकेगु
क्वः छिउगु दु । छायाकि विश्वया फुक्क धैथे चीमि राष्ट्राया मस्त
थौनं दरीद्रतां यानाः ख्युँलय् दुविनाच्च्वंगु दु । कन्हेया कर्णधार थौतक
थथे अंधकारे लानाच्च्वंगु छगू दुःखया खँ खः तमाम मां बौ पित्त, फुक्क
देशयात थ्व मस्त प्रति च्यूताः कायेमाःगु आवश्यकतायात थ्व मचादँ
बोध याकः वैच्च्वंगु दु । नापनापं संयुक्त राष्ट्र संघया थ्व पवित्र कुतःयात
सफल यायेत विश्वया सकल राष्ट्र सक्रियरूपं कुतः याइगु जिमिसं
आसा याना । नापनापं हाःनाः मदुपि मस्तय् भबिष्य उज्ज्वल याये
ताःतुनाः बालमन्दिर नीस्वंगु दिनया रूप्य जक थ्व बालदिवस महसं
संयुक्त राष्ट्र संघया थ्व "अन्तर्राष्ट्रिय मचा दँ" या उद्देश्ययात
पाचिनाः वनेफुसा थ्व दिवस फन तःजी जुइगु जिमिसं बिस्वास यानः ।

श्री ५ मुमा बडामहारानी
सरकारया

सुवर्ण शुभ-जन्मोत्सवया

भिं लसनाय्

वसपोल सरकारया जुनाफय्

ताःआयु व सुस्वास्थ्यया

दुनुगलं

भितुना

देछाय् ।



शाही नेपाल वायुसेवा निगम

श्री ५ मुमा बडामहारानीया

स्वर्ण जन्मोत्सव व भिप्यक्वःगु

बालदिवसया भि लसताय्

वसपोल प्रति दुनुगलं

मंगलमय

कामना याना ।



राष्ट्रिय बाणिज्य बैंक

टंगाल

याकुथि : चामुन्दा प्रेस, यतखा ये ।